

Naziv pravnog lica

Lutrija BiH d.o.o.

Sjedište i adresa pravnog lica

Sarajevo-Centar, Mehmeda Spahe 11.

Identifikacioni broj za direktne poreze

4200496180007

Broj protokola

Bilješke-12/2022

Finansijsko-informatička agencija

Ložionička 3, 71000 Sarajevo

FINANSIJSKO/FINANCIJSKO
INFORMATIČKA AGENCIJA
POSLOVNA JEDINICA SARAJEVO
ISPOSTAVA CENTAR 3
15.11.2023

FINANSIJSKO/FINANCIJSKO
INFORMATIČKA AGENCIJA
POSLOVNA JEDINICA SARAJEVO
ISPOSTAVA CENTAR

28.02.2023

BILJEŠKE UZ FINANSIJSKE IZVJEŠTAJE

za period od 01.01.2022. do 31.12.2022. godine

Certificirani računovođa

Šefčeta (Avdija) Strik

5583/5

Direktor :

Edhem Pašukan

Odgovorno lice svojim potpisom i pečatom pravnog lica potvrđuje da su podaci u elektronskoj i pisanoj formi vjerodostojni i istovjetni.

SADRŽAJ

1. Izjava o usklađenosti s MSFI-ima
2. Procjena stalnosti poslovanja – vremenske neograničenosti poslovanja
3. Sažetak primijenjenih važnih računovodstvenih politika sa osnovama mjerenja
4. Napomene uz finansijske izvještaje
5. Osnovni podaci o subjektu

U skladu sa tačkama 16, MRS-a 1 Prezentiranje finansijskih izvještaja, Uprava Lutrije BiH d.o.o. Sarajevo daje izričitu i bezuslovnu

IZJAVU O USKLAĐENOSTI

Godišnji finansijski izvještaji Lutrije BiH d.o.o. Sarajevo za razdoblje 01. januara – 31. decembra 2022. godine sastavljeni su i prezentirani u skladu Međunarodnim standardima finansijskog izvještavanja („MSFI“), uključujući Međunarodne računovodstvene standarde („MRS“) i prateća uputstva i tumačenja Odbora za međunarodne računovodstvene standarde, koji su prevedeni i, po odobrenju Komisije BiH za računovodstvo i reviziju, objavljeni od strane entitetskih saveza (u Federaciji BiH to je Savez računovođa, revizora i finansijskih radnika FBiH) u januaru 2018. godine, a primjenjivali su se i na finansijske izvještaje privrednih društava za 2022. godinu.

U Sarajevu, 28.02.2023. godine

Direkto

/Edhem Pašukan

U skladu sa tačkama 25. i 26., MRS-a 1 Prezentiranje finansijskih izvještaja, Uprava Lutrije BiH d.o.o. Sarajevo daje

PROCJENU STALNOSTI POSLOVANJA
/ VREMENSKE NEOGRANIČENOSTI POSLOVANJA /

Godišnji finansijski izvještaji Lutrije BiH d.o.o. Sarajevo za razdoblje 01. januara – 31. decembra 2022. godine sastavljeni su i prezentirani pod pretpostavkom stalnosti poslovanja, odnosno vremenske neograničenosti poslovanja.

U trenutku sastavljanja i prezentiranja finansijskih izvještaja, kao i u narednom razdoblju, a na temelju raspoloživih informacija Uprava Lutrije BiH d.o.o. Sarajevo jasno i izričito:

- izjavljuje da nema namjeru pokrenuti postupke likvidacije ili prestanka poslovanja Lutrije BiH d.o.o. Sarajevo;
- procjenjuje da ne postoje rizici ili neizvjesnosti vezani za događaje ili uvjete koji mogu dovesti u veliku sumnju mogućnost Lutrije BiH d.o.o. Sarajevo da nastavi poslovati u neograničenom razdoblju;
- izjavljuje da je subjekt sposoban nastaviti poslovati u vremenski neograničenom razdoblju.

Imajući u vidu činjenicu da je Lutrija BiH d.o.o. Sarajevo u tekućem i prethodnim razdobljima poslovala profitabilno i imala neometan pristup finansijskim resursima, onda se u skladu općeprihvaćenim računovodstvenim standardima i načelima može bez detaljne analize zaključiti da je primjerena i odgovarajuća računovodstvena pretpostavka stalnosti i vremenske neograničenosti poslovanja.

U Sarajevu, 28.02.2023. godine

Direktor

/Edhem Pašukan

SAŽETAK PRIMIJENJENIH VAŽNIH RAČUNOVODSTVENIH POLITIKA SA OSNOVAMA MJERENJA

Zabilješke o računovodstvu sastavni su dio finansijskih izvještaja. "Lutrija BiH" d.o.o. Sarajevo. Društvo svoje aktivnosti obavlja u unutrašnjem prometu i vanjskotrgovinskom poslovanju, a u skladu sa odredbama Zakona o privrednim društvima i Zakona o igrama na sreću.

Svi izvještaji su prikazani u konvertibilnim markama ("KM"). Transakcije iskazane u stranim sredstvima plaćanja preračunate su u BAM po kursu važećem na dan transakcije. BAM je važeća valuta Društva te su u toj valuti prezentirani finansijski izvještaji.

Priznavanje prihoda

Osnovni izvor prihoda Društva potiče od priređivanja igara na sreću, a jasno definisano Zakonom o igrama na sreću. Navedeni prihodi predstavljaju prihode osnovne djelatnosti Društva.

Prihodi koji u Lutriji BiH proističu iz operativnih aktivnosti odnose se na prihode od redovne, odnosno osnovne poslovne aktivnosti kao što su prihodi igara na sreću i pratećih aktivnosti vezanih za priređivanje igara na sreću (SMS). U igre na sreću spadaju igre definisane Zakonom koji uređuje ovu oblast. Svaka igra na sreću ima svoja pravila koja donosi priređivač, a kojim se regulišu prava i obaveze priređivača i učesnika u igri na sreću, cijena za učešće u igri, procenat od ukupne uplate, umanjene za iznos naknade, koji prestavlja fond dobitaka za igre u kojima se on utvrđuje.

Prihod od zajedničkog priređivanja igre, odnosno zajedničkog poduhvata, čine dio ukupno ostvarenog prihoda po tom osnovu, a koji se precizno utvrđuje ugovorom sa partnerom.

Prihodi od igara predstavljaju:

1. Za klasične igre u kojima se unaprijed utvrđuje fond dobitaka (LOTO, BINGO, BINGO +, JOKER, i Srećke) razliku između ukupne uplate za učešće u igri, umanjene za iznos koji pripada Budžetu FBiH u skladu sa čl. 6. Zakona i fonda dobitaka;
2. Za igre u kasinu i na automatima iznos ukupnih uplata umanjen za iznos isplata igračima, po umanjenju za iznos naknade u skladu sa čl. 107. Zakona;
3. Za kladioničke igre iznos ukupne uplate za učešće u klađenju umanjen za naknadu po čl. 92. stav 3. Zakona, i iznos isplata igračima.

Priznavanje prihoda od igara iz prethodnog stava (Loto, Jokera i Binga i BINGA+ i srećki) vezano je za momenat naplate, odnosno uplate za učešće u igri, a knjiži se na osnovu izvještaja Službe elektronske obrade podataka.

Prihod od automata, kasina priznaje se mjesečno na osnovu Obračunske liste. Prihod od kladionice priznaje se prema obračunskoj listi Odjeljenja kladionice, po svakom završenom ciklusu igre klađenje.

Prihod od prodaje usluga se priznaje po izvršenju usluge i ispostavljanju fakture.

Priznavanje, mjerenje i objavljivanje prihoda, od 01.01.2018. godine, vrši se u skladu sa odredbama MSFI 15 – Prihodi od ugovora sa kupcima.

Priznavanje rashoda

Rashodi u finansijskim izvještajima priznaju se primjenom računovodstvenog načela sučeljavanja prihoda i rashoda, direktnim povezivanjem troškova sa odgovarajućim prihodovnim transakcijama i sistematskom alokacijom troškova nabavke tokom vijeka trajanja nastalog izdatka. Prema tome svi rashodi koji su nastali i koji se odnose na obračunski period, priznati su u bilansu uspjeha. Društvo je poštovalo usvojenu računovodstvenu politiku.

Stalna sredstva

Nematerijalna sredstva priznaju se i vrednuju po nabavnoj vrijednosti u skladu sa MRS 38, MRS 36 i drugim relevantnim standardima. Materijalna sredstva (nekretnine, postrojenja, oprema i ostala stalna materijalna sredstva) priznaju se i vrednuju po nabavnoj vrijednosti, u skladu sa MRS 16 i drugim relevantnim standardima. Nabavna vrijednost ovih sredstava utvrđuje se u skladu sa paragrafom 16. MRS 16.

Društvo je svojim politikama definisalo vrednovanje stalnih sredstava po metodu troška. Amortizacija nematerijalnih i materijalnih stalnih sredstava obračunava se metodom konstantne ili linearne amortizacije primjenom stopa amortizacije utvrđenih na osnovu procjenjenog vijeka upotrebe sredstva, odnosno na osnovu procjene pritanja ekonomskih koristi po osnovu korištenja ovih sredstava. Obračun amortizacije novonabavljenih stalnih sredstava vrši se po osposobljavanju sredstva za upotrebu. Obračun amortizacije prestaje u slučaju kada je sredstvo prodato, rashodovano, uništeno ili potpuno amortizovano i to sa posljednjim danom u mjesecu u kojem je stalno sredstvo prestalo biti u funkciji.

Umanjenje vrijednosti sredstava, definisana obavezom procjene svake bilansne pozicije.

Zalihe sirovina i materijala, rezervnih dijelova, sitnog inventara, auto-guma i trgovačke robe

Zalihe se vrednuju u skladu sa MRS 2. Nabavna vrijednost/cijena koštanja zaliha obuhvata sve troškove nabave, troškove proizvodnje i druge troškove koji su nastali u procesu dovođenja zaliha na sadašnju lokaciju i u sadašnje stanje (paragraf 10 MRS 2). Zalihe sirovina i materijala, rezervnih dijelova, sitnog inventara, auto-guma i trgovačke robe na skladištu iskazuju se po fakturnoj cijeni uvećanoj za zavisne troškove nabavke. Ako je neto prodajna vrijednost zaliha niža od troškova nabavke zalihe se vrednuju po neto prodajnoj vrijednosti. Razduženje, tj. trošak zaliha sirovina i repromaterijala, rezervnih dijelova, sitnog inventara i auto-guma vrši se po prosječnoj cijeni. Zalihe, koje se ne skladište tj. zalihe koje se po izvršenoj nabavci odmah stavljaju u upotrebu, a ako u momentu nabave na odgovarajućem računu odnosno vrsti zaliha nije iskazano stanje, razdužuju se po toj nabavnoj cijeni i ista ima tretman prosječne ponderisane cijene. Stvarima sitnog inventara smatraju se predmeti čija je pojedinačna vrijednost niža od 500 KM ili im je vijek upotrebe kraći od godine dana - 12 mjeseci od stavljanja u upotrebu. Otpis sitnog inventara, HTZ opreme i auto-guma vrši se prilikom stavljanja u upotrebu, a isknjižavanje istih vrši se kada je sredstvo rashodovano. Otpis sitnog inventara, HTZ opreme i auto-guma vrši se 100%-tnim otpisom.

Potraživanja od prodaje i druga potraživanja iz poslovnih odnosa

Potraživanja od kupaca, države, zaposlenih i drugih pravnih i fizičkih lica iskazuju se u poslovnim knjigama i finansijskim izvještajima na temelju uredne isprave o nastanku poslovnog događaja i podataka o njegovoj vrijednosti. Potraživanja od kupaca kao i ostala potraživanja iz poslovnih odnosa priznaju se po nominalnoj vrijednosti (obračunska osnova). Najkasnije na kraju obračunskog perioda vrši se procjena naplativosti svih potraživanja i odgovarajuće usklađivanje njihove vrijednosti. Usklađivanje vrijednosti potraživanja vrši se na teret rashoda perioda, na prijedlog komisije, a po odluci direktora.

Gotovina i ekvivalenti gotovine

Gotovina i ekvivalenti gotovine su vrednovani u skladu sa MRS 7. Politikama je definisano da novac obuhvata novac u blagajni i depozite po viđenju, a da su novčani ekvivalenti kratkoročna, visoko likvidna ulaganja koja se mogu brzo konvertovati u poznate iznose novca uz beznačajan rizik od promjene vrijednosti.

Novčana sredstva u blagajni i na računima kod poslovnih banaka priznaju se i iskazuju u nominalnim iznosima. Sredstva izražena u stranim valutama preračunavaju se u vrijednost domaće valute primjenom srednjeg važećeg kursa Centralne banke BiH na dan bilansa stanja. Dobici i gubici koji proizilaze iz preračunavanja stranih valuta priznaju se u bilansu uspjeha.

Obaveze

Tekuće obaveze u poslovnim knjigama i finansijskim izvještajima iskazuju se prema vrijednosti poslovne promjene koja je proknjižena na osnovu uredne isprave ili ugovora. Obaveze se iskazuju u nominalnoj vrijednosti. Obaveze u stranoj valuti preračunavaju se po srednjem kursu Centralne banke BiH. Obaveze po fondu dobitaka za igre u kojima se fond unaprijed utvrđuje iskazuju se u nominalnoj vrijednosti prema procentu od ukupne uplate za svaku od igara, umanjenu za iznos naknade koja pripada Budžetu FBiH, a prema pravilima za pojedinu igru, istovremeno sa knjiženjem uplate od te igre. Obaveze za dobitke iz igre kladenje, u kojoj nema unaprijed utvrđenog fonda dobitaka, iskazuju se u nominalnoj vrijednosti istovremeno sa knjiženjem prihoda po svakom ciklusu igre, a po obračunu i izvještaju odjeljenja kladionice. Istekom roka za naplatu, po svakoj igri, odnosno kolu igre, iznos neisplaćenih dobitaka se na kraju svakog mjeseca prenosi na konto fonda neisplaćenih dobitaka. Iskazani, a neisplaćeni dobitci iz igre kladenje, se protekom roka za naplatu knjiže u korist prihoda.

Razgraničenja i rezervisanja

Razgraničenja se vrše za unaprijed plaćene izdatke za dio troškova koji se odnosi za naredni obračunski period. Kratkoročna razgraničenja iskazuju se po osnovu: unaprijed plaćenih troškova, unaprijed obračunatih prihoda, obračunatih, a neplaćenih rashoda, i unaprijed naplaćenih i odloženih prihoda. Dugoročna razgraničenja iskazuju se po osnovu obaveza za koje se može očekivati da će nastati u budućim periodima ili u vezi sa kojima može postojati određena neizvjesnost, bilo u pogledu njihovog nastanka, bilo u pogledu njihove veličine.

Oporezivanje

Društvo je obveznik poreza na dobit u skladu sa Zakonom o porezu na dobit.

Društvo je usvojilo MSFI 16 primjenom modificiranog retrospektivnog pristupa, gdje stanja iz prethodnih perioda nisu prilagođavana novom standardu (1. januara 2019.).

Društvo je upotrijebilo slijedeća praktična rješenja prilikom primjene MSFI-ja 16 na najmove koji su bili klasificirani kao ugovori o zakupu:

- Primjena jedinstvene diskontne stope na portfelj najmovi s razumno sličnim značajkama (kao što su najmovi sa sličnim preostalim razdobljem najma za sličan razred odnosno imovine u sličnom privrednom okruženju),
- Primjena izuzeća o nepriznavanju imovine s pravom korištenja i obveza za najmove čije razdoblje najma završava u razdoblju od 12 mjeseci od datuma prve primjene,
- Upotreba novijih saznanja, primjerice pri određivanju razdoblja najma ako ugovor sadržava mogućnosti produženja ili raskida najma.

Obaveza za najam mjerena je po sadašnjoj vrijednosti preostalih otplata najma, diskontiranih korištenjem inkrementalne stope zaduživanja Društvo na dan 1. januara 2019. godine. Inkrementalna stopa zaduživanja Društva je stopa po kojoj sličan najam može biti ugovoren, od strane neovisnog najmodavca, po usporedivim odredbama i uvjetima. Primjenjena je inkrementalna kamatna stopa od 4,468%.

Društvo je prilikom izrade finansijskih izvještaja, klasifikovalo ugovore o zakupu koji su zaključeni na period duži od godinu dana ili na neodređeni period kao imovinu sa pravom korištenja.

Savez računovođa, revizora i finansijskih djelatnika Federacije Bosne i Hercegovine je u skladu sa svojom Odlukom o objavljivanju Međunarodnih standarda finansijskog izvještavanja, broj: O-1/6-2020 od 19. 6. 2020. objavio **Izmjene i dopune MSFI-ja 16 Najmovi**, prema kojima:

... 46.A. Kao praktičnu pomoć, najmoprimac se može odlučiti da ne vrši procjenu da li koncesija za najamninu koja zadovoljava uvjete iz tačke 46.B. predstavlja modifikaciju najma.

Najmoprimac koji se odluči tako postupiti, obračunava sve promjene plaćanja po osnovu najma proizašle iz koncesije za najamninu na isti način kako bi ih obračunavao u skladu s ovim standardom da ne predstavljaju modifikaciju najma.

46.B. Praktična pomoć iz tačke 46.A. se odnosi samo na koncesije za najamnine koje su direktno proizašle iz pandemije uzrokovane virusom Covid-19 i to onda kada su zadovoljeni svi sljedeći uvjeti:

(a) promjena plaćanja po osnovu najma vodi izmjeni naknade za najam tako da ona u suštini ostaje ista ili manja od naknade za najam neposredno prije nastanka te promjene;

(b) svako umanjenje plaćanja po osnovu najma utiče samo na ona plaćanja koja su izvorno dospijevala na dan 30. juna/lipnja 2020. godine ili prije njega (na primjer, koncesija za najamninu bi zadovoljavala ovaj uvjet ako dovede do manjih plaćanja po osnovu najma do 30. juna/lipnja 2020. godine ili ranije i do većih plaćanja po osnovu najma koja važe nakon tog datuma); i

(c) ne dolazi do suštinskih izmjena drugih uvjeta i odredbi najma. ...

U skladu sa navedenim **Izmjenama i dopunama MSFI-ja 16 Najmovi**, a vezano za objavljivanje:

... 60.A. Najmoprimac koji koristi praktičnu pomoć iz tačke 46.A. dužan je objaviti:

(a) da je iskoristio praktičnu pomoć za sve koncesije za najamnine koje zadovoljavaju uvjete iz tačke i

(b) iznos priznat u okviru dobiti ili gubitka za obračunsko razdoblje koji odražava promjene plaćanja po osnovu najma proizašle iz koncesija za najamnine za koje je iskoristio praktičnu pomoć iz tačke 46.A.

U skladu sa naprijed navedenim, koristeći praktičnu pomoć iz tačke 46.A., uz ispunjene uslove iz tačke 46.B, objavili smo da smo iskoristili praktičnu pomoć za sve koncesije za najamnine koje zadovoljavaju uvjete iz tačke, kao i po **MSFI 16 Najmovi**.

Na dan 31.12.2022. iskazano je,

u bilansu stanja, na poziciji AOP 011- građevinski objekti:

- bruto iznos9.930.576 KM
- iznos ispravke vrijednosti5.875.816 KM
- neto iznos..... 4.054.760 KM

Pored toga, u bilansu stanja, na poziciji AOP 127, iskazane su ostale dugoročne obaveze u iznosu 1.868.677 KM, te na poziciji AOP 139 kratkoročne obaveze u iznosu od 2.369.029 KM, a iste su efekat primjene MSFI16 – Najmovi i izmjena istog.

Primjena navedenog standarda imala je uticaj i na ostvareni rezultat iskazan u bilansu uspjeha.

Iskazana amortizacija navedene imovine s pravom korištenja u iznosu od 2.114.375 KM, te kamata po tom osnovu u iznosu od 221.562 KM, kao i prihod od 34.786 KM, u konačnici uticali su i na povećanje bruto dobiti iskazane u bilansu uspjeha za iznos 40.601 KM, u odnosu na to da nije primjenjen navedeni standard.

NAPOMENE

PRIHODI

-Ostvareni ukupan prihod u periodu 01.01.2022. do 31.12.2022. godini, iznosi: 38.639.261 KM, što je u odnosu na isti period prethodne godine, POVEĆANJE za 6.511.360 KM ili 0,2 %.

U obračunskom periodu 2022. godine, POSLOVNI PRIHODI iznose 38.146.557 KM, što je 98,7% ukupnog prihoda.

U odnosu na isti period prethodne godine, ovi prihodi imaju POVEĆANJE za 6.570.058 KM ili 20,8 %.

P1 -U obračunskom periodu 2022. godine, najveći prihodi su : Prihodi od pruženih usluga na domaćem tržištu (AOP 209), u iznosu od 38.146.557 KM, što je 98,7% ukupnog prihoda.

U odnosu na isti period prethodne godine, ovaj prihod ima POVEĆANJE za 6.570.058 KM ili 20,8 %.

Nema dodatnih objavljivanja - -

P2. -Na drugom mjestu po veličini su : Ostali prihodi i dobici (AOP 251), u iznosu od 478.169 KM, što je 1,2% ukupnog prihoda.

U odnosu na isti period prethodne godine, ovaj prihod ima SMANJENJE za 72.191 KM ili 13,1 %.

Nema dodatnih objavljivanja - -

P3.-Na trećem mjestu po veličini su : Finansijski prihodi (AOP 247), od 14.535 KM, što je 0% ukupnog prihoda.

U odnosu na isti period prethodne godine, ovaj prihod ima POVEĆANJE za 13.493 KM ili 1294,9 %.

-

-

RASHODI

Ostvareni ukupni rashodi u obračunskom periodu 2022. godini, iznose: 36.032.093 KM, što je u odnosu na isti period prethodne godine, POVEĆANJE za 4.721.113 KM ili 15,1 %.

U obračunskom periodu 2022. godine, POSLOVNI RASHODI iznose 35.585.101 KM, što je 98,8% ukupnih rashoda.

U odnosu na isti period prethodne godine, ovi rashodi imaju POVEĆANJE za 4.909.558 KM ili 16 %.

R1 -U obračunskom periodu 2022. godine, najveći rashodi su - Troškovi plaća i ostalih ličnih primanja (AOP 258), u iznosu od 17.232.473 KM, što je 47,8% ukupnih rashoda.

U odnosu na isti period prethodne godine, ovaj rashod ima POVEĆANJE za 3.213.632 KM ili 22,9 %.

Nema dodatnih objavljivanja - MRS 1 - Prezentacija finansijskih izvještaja

R2 -Na drugom mjestu po veličini : Troškovi primljenih usluga (AOP 269), u iznosu od: 6.816.269 KM, što je 18,9% ukupnih rashoda.

U odnosu na isti period prethodne godine, ovaj rashod ima POVEĆANJE za 628.678 KM ili 10,2 %.

R3 -Dok su na trećem mjestu po veličini su : Ostali poslovni rashodi i troškovi (AOP 270), od: 5.298.794 KM, što je 14,7% ukupnih rashoda.

U odnosu na isti period prethodne godine, ovaj rashod ima POVEĆANJE za 807.389 KM ili 18 %.

R4 -Dalje slijede : Amortizacija (AOP 262), od: 3.669.345 KM, što je 10,2% ukupnih rashoda.

U odnosu na isti period prethodne godine, ovaj rashod ima POVEĆANJE za 96.143 KM ili 2,7 %.

R5 -Troškovi sirovina i materijala (AOP 256), od: 1.510.134 KM, su 4,2% ukupnih rashoda.

U odnosu na isti period prethodne godine, ovaj rashod ima POVEĆANJE za 41.885 KM ili 2,9 %.

T6 - Troškovi energije i goriva (AOP 257), od: 1.058.086 KM, su 2,9% ukupnih rashoda.

U odnosu na isti period prethodne godine, ovaj rashod ima POVEĆANJE za 121.831 KM ili 13 %.

Iznos i priroda pojedinih stavki bilansa stanja izuzetne veličine ili pojave

Odgovorno lice svojim potpisom i pečatom pravnog lica potvrđuje da su podaci u elektronskoj i pisanoj formi vjerodostojni i istovjetni.

DUGOROČNA IMOVINA

Nabavna vrijednost dugoročne imovine na dan 31.12.2022. godine, iznosi: 42.377.521 KM, ispravka vrijednosti je: 29.429.158 KM, što znači da je ova imovina amortizovana (otpisana) sa 69,4%, odnosno NETO sadašnja vrijednost iznosi: 12.948.363 KM.

Amortizacija za obračunski period 2022. godine iznosi: 3.669.345 KM.

A1. -Najveća NETO sadašnja vrijednost dugoročne imovine je na: Građevinski objekti (AOP 004) od 4.353.188 KM, što je 33,7% ukupne dugoročne imovine.

U odnosu na stanje početkom godine, ova sredstva imaju SMANJENJE, za 54.606 KM ili 33,7 %.

Nema dodatnih objavljivanja

KRATKOROČNA (OBRTNA) IMOVINA

Tekuća (obrtna) sredstva na dan 31.12.2022. godine, iznose: 2.272.812 KM, što je u odnosu na stanje 01.01.2022. godine, POVEĆANJE, za 297.608 KM ili 15,1%. Prosječno korištena tekuća sredstva iznose 2.124.008 KM, imaju koeficijent obrtaja 0 i vrijeme vezivanja od 0 dana.

Nema dodatnih objavljivanja

Zalihe

-Ukupne zalihe na dan 31.12.2022. godine iznose: 1.549.675 KM, što je u odnosu na stanje početkom godine POVEĆANJE, za 145.836 KM ili 10,4 %, imaju koeficijent obrtaja 0 i vrijeme vezivanja od 0 dana.

Najveće zalihe su na poziciji: Sirovine, materijal, rezervni dijelovi i sitan inventar (AOP 038), u iznosu od: 1.549.675 KM, imaju koeficijent obrtaja 0 i vrijeme vezivanja od 0 dana.

U odnosu na stanje početkom godine, ove zalihe imaju POVEĆANJE, za 145.836 KM ili 10,4 %.

Nema dodatnih objavljivanja

Kratkoročna potraživanja i plasmani

-Kratkoročna potraživanja i plasmani na dan 31.12.2022. godine iznose: 723.137 KM, što je u odnosu na stanje početkom godine POVEĆANJE, za 151.772 KM ili 26,6 %, imaju koeficijent obrtaja 0 i vrijeme vezivanja od 0 dana.

Najveća potraživanja i plasmani su na poziciji: Ostala imovina i potraživanja, uključujući i razgraničenja (AOP 059), u iznosu od: 647.778 KM, imaju koeficijent obrtaja 0 i vrijeme vezivanja od 0 dana.

U odnosu na stanje početkom godine, ova potraživanja imaju POVEĆANJE, za 252.631 KM ili 63,9 %.

Nema dodatnih objavljivanja

KAPITAL

Ukupni kapital društva (vlastita sredstva) na dan 31.12.2022. godine, iznosi: 15.830.029 KM, što je u odnosu na stanje početkom godine, POVEĆANJE za 2.340.604 KM ili 17,4 %.

Na dan 31.12.2022. godine, društvo je kapitalom (vlastitim sredstvima) finansiralo 54,9% raspoložive aktive.

Poželjno je da ovaj pokazatelj nije manji od 50%.

Vlasnički kapital evidentiran na AOP 105 iznosi: 1.512.054 KM.

Najveća stavka u kapitalu nalazi se na poziciji: Akumulirana, neraspoređena dobit iz prethodnih perioda (AOP 116), u iznosu od: 11.034.214 KM.

U odnosu na stanje početkom godine, ova pozicija ima POVEĆANJE, za 673.535 KM ili 6,5 %.

Druga po veličini stavka u kapitalu nalazi se na poziciji: Dobit tekućeg perioda (AOP 117), u iznosu od: 2.340.605 KM.

U odnosu na stanje početkom godine, ova pozicija ima POVEĆANJE, za 1.667.070 KM ili 247,5 %.

OBAVEZE (ZADUŽENOST)

Odgovorno lice svojim potpisom i pečatom pravnog lica potvrđuje da su podaci u elektronskoj i pisanoj formi vjerodostojni i istovjetni.

Obaveze društva (zaduženost) na dan 31.12.2022. godine, iznose: 13.002.817 KM, što je u odnosu na stanje početkom godine SMANJENJE za 4.227.700 KM ili 24,5 %.

Na dan 31.12.2022. godine, društvo je obavezama (tuđim sredstvima) finansiralo 44,4% raspoložive aktive.

Poželjno je da ovaj pokazatelj nije veći od 50%.

-Najveće obaveze evidentirane su na poziciji: Kratkoročne ostale obaveze, uključujući i razgraničenja (AOP 147), u iznosu od: 5.250.618 KM.

U odnosu na stanje početkom godine, ove obaveze imaju SMANJENJE, za 4.897.922 KM ili 48,3 %.

-Na drugom mjestu po veličini su obaveze iskazane na poziciji: Obaveze prema dobavljačima (AOP 136), u iznosu od: 2.987.193 KM, .

U odnosu na stanje početkom godine, ove obaveze imaju POVEĆANJE, za 1.540.735 KM ili 106,5 %.

-Na trećem mjestu su obaveze evidentirane na poziciji: Kratkoročne obaveze po osnovu najмова (AOP 139), od: 2.369.029 KMa.

U odnosu na stanje početkom godine, ove obaveze imaju SMANJENJE, za 1.041.311 KM ili 30,5 %.

-Zatim sledi: dugoročne obaveze po osnovu najмова (AOP 127), od: 1.868.677 KM.

U odnosu na stanje početkom godine, ove obaveze imaju SMANJENJE, za 51.624 KM ili 2,7 %.

Prosječan broj zaposlenih

Prosječan broj zaposlenih u periodu 01.01.2022. do 31.12.2022. godini, na bazi sati rada je 447, a u istom periodu prošle godine bilo je 424 zaposlenih.

Sumnjiva i sporna potraživanja

Sumnjiva i sporna kratkoročna potraživanja na dan 31.12.2022.godine iznose 62.710 KM.Vrijednosno usklađivanje potraživanja provodi se najmanje jednim godišnje,krajem obračunskog razdoblja.Ispravkom potraživanja ne odričemo se svog poraživanja,nastavljamo sa mjerama naplate i povećavamo prihod obračunskog razdoblja u kojem uspijemo naplatiti.

Ukupan iznos svih finansijskih obaveza, garancija ili nepredviđenih izdataka koji nisu uključeni u Bilans stanja

Nema finansijskih obaveza, garancija ili nepredviđenih izdataka koji nisu uključeni u Bilans stanja.

Iznosi obaveza koje dospijevaju nakon više od pet godina

Nema obaveza koje dospijevaju nakon više od pet godina.

Ukupna dugovanja pravnog lica pokrivena instrumentima osiguranja

Nema dugovanja pravnog lica pokrivena instrumentima osiguranja.

Avansi i odobreni krediti članovima uprave i nadzornih tijela

Nema avansa i odobrenih kredita članovima uprave i nadzornih tijela.

Informacija o evidenciji dugotrajne imovine po fer vrijednosti, odnosno revalorizacionim iznosima

Nema dugotrajne imovine po fer vrijednosti, odnosno revalorizacionim iznosima.

Informacije o otkupu vlastitih dionica

Nema otkupa vlastitih dionica.

Odgovorno lice svojim potpisom i pečatom pravnog lica potvrđuje da su podaci u elektronskoj i pisanoj formi vjerodostojni i istovjetni.

Razlozi za odstupanja od opštih načela finansijskog izvještavanja

Nema odstupanja od opštih načela finansijskog izvještavanja.

Odgovorno lice svojim potpisom i pečatom pravnog lica potvrđuje da su podaci u elektronskoj i pisanoj formi vjerodostojni i istovjetni.

OSNOVNI PODACI O DRUŠTVU

Naziv Društva Lutrija Bosne i Hercegovine d.o.o. Sarajevo

Skraćeni naziv Lutrija BiH d.o.o. Sarajevo

Sjedište Mehmeda Spahe 11, Sarajevo, Sarajevo - Centar

ID broj 4200496180007

PDV broj 200496180007

Šifra djelatnosti 92.00 – Djelatnosti kockanja i klađenja

Vlasništvo Federacija Bosne i Hercegovine 100%

Sudski registar

Prema Rješenju o izmjenama podataka broj 065-0-Reg-15-004851 od 18.01.2016. godine kod Općinskog suda u Sarajevu upisani su podaci o promjeni naziva funkcije lica ovlaštenog za zastupanje Društva, promjeni osnivača Društva.

Prema Rješenju o izmjenama podataka broj: 065-0-Reg-17-001225 od 31.03.2017. godine kod Općinskog suda u Sarajevu upisani su podaci o promjeni sjedišta Podružnice Brčko, Bulevar mira broj 2, Brčko-Brčko distrikt BiH. Pravni osnov upisa je Odluka o izmjeni Odluke o osnivanju Podružnice u Distriktu Brčko broj 01-10-500/17 od 07.03.2017. godine.

Dana 21.06.2022. godine Rješenjem broj: 096-0-Reg-22-000698 u sudski registar Osnovnog suda Brčko distrikta izvršen je upis osnivanja subjekta pod nazivom Lutrija BiH d.o.o. Sarajevo, podružnica br.2 Brčko.

Podružnice

Preduzeće na dan 31.12.2022. godine ima registrovane dvije podružnice i to:

Lutrija BiH d.o.o. Sarajevo, podružnica Brčko Poreski podbroj: 4200496182417 Sjedište: Bulevar mira broj 2.

Podružnicu br.2 Brčko, Poreski podbroj: 4200496183111 Sjedište: Trg Mladih broj 7, Brčko Distrikt, opština: Brčko.

Osnovni kapital

Osnovni kapital Preduzeća iznosi 1.512.054,00 KM.

Organi upravljanja i rukovođenja

Organi Preduzeća su:

- 1) Skupština;
- 2) Nadzorni odbor;
- 3) Uprava.

U Lutriji se formira Odbor za reviziju.

Skupština Vlada Federacije u okviru vršenja prava i dužnosti osnivača Preduzeća ima ovlaštenja Skupštine Društva.

Nadzorni odbor

Vlada Federacije Bosne i Hercegovine, na 249. sjednici, održanoj 28.12.2020. godine, donosi Rješenje o imenovanju Nadzornog odbora Lutrije Bosne i Hercegovine. Imenuje se Nadzorni odbor Lutrije Bosne i Hercegovine, na period od četiri godine, u sljedećem sastavu:

- 1) Miroslav Ćorić, predsjednik;
- 2) Kenan Hadžić, član;
- 3) Azira Lapandić, član;
- 4) Edita Rokša, član;
- 5) Saša Grabovac, član.

Direktor preduzeća Pašukan Edhem, diplomirani pravnik

Direktori Sektora

Šarak Aida – direktor Sektora za finansije;

Dalida Deljković Stefanović – direktor Sektora pravnih i opštih poslova;

Šukrija Čingić – direktor Sektora marketinga;

Hasan Jusufagić – direktor Sektora za tehničke poslove.

Odbor za reviziju

Vlada Federacije Bosne i Hercegovine, na 276. sjednici, održanoj 29.07.2021. godine, donosi Rješenje o imenovanju Odbora za reviziju Lutrije Bosne i Hercegovine.

Imenuje se Odbor za reviziju Lutrije Bosne i Hercegovine u sastavu:

1. Pašić Haris, predsjednik;
2. Franjić Antonija, član;
3. Halilagić Selma, član.

Odbor za reviziju Lutrije Bosne i Hercegovine imenuje se na period od četiri godine.

Lutrija Bosne i Hercegovine je društvo sa ograničenom odgovornošću ovlašteno Zakonom o igrama na sreću za priređivanje igara na sreću i igara za zabavu na području Federacije Bosne i Hercegovine. Lutrija BiH je osnovana odlukom Skupštine Socijalističke Republike Bosne i Hercegovine 1973. godine kao samostalna lutrijska organizacija, a do tada je poslovala u okviru Jugoslovenske Lutrije.

Na dan 31. decembra 2022. godine Društvo je imalo 516 zaposlenih radnika.

Razvrstavanje

Na osnovu podataka iz finansijskih izvještaja godišnjeg obračuna za 2022. godinu, pravno lice Lutrija BiH d.o.o. Sarajevo je prema kriterijima razvrstavanja iz člana 5. Zakona o računovodstvu i reviziji u FBiH iskazalo sljedeće vrijednosti:

- Ukupan prihod za 2022. godinu 38.639.261 KM
- Prosječna vrijednost poslovne imovine 29.776.394 KM
- Prosječan broj zaposlenih 447.

Na bazi navedenog, ovo pravno lice se svrstava u grupu **velikih** pravnih lica.